



Chhiatni inkaihhraina

Chanmari West, February 5 : Chanmari West Branch YMA Executive Committee chuan chhiatni inkaihhraina hetiang hian a duang.

1. CHHIATNLEUND:

a) Chanmari West Local Council huamchhunga awm, chhungtin hnenah Chhiatni Fund hi hlawm thum (Category A,B,C) in khawn nise. Category A-300 Category B-200 Category C-100 YMA in a khawn ang.

b) Chhiatni Fund hi Hnamdang (State pawn lam) mite hnenah mi 1 atan 100/-a khawn tur a ni..

c) Chhiatni Fund hi Ramdang mi (Foreigner) leh pem lehkha nei lo te chu khawn loh tur a ni. Chhiat an tawk palh anih pawhin, a chhawrtu/inluahtirtu/ anmahni an in buaipui ang.

d) Chhiatni Fund hian a daih lo anih chuan a tul dan ang zelin khawn nawn mai ni se.

e) Chhiatni Fund hi vengchhung chhiat tawhna dangah hman theih a ni ang.

2. ZUALKO:

a) Chhiat tawk (mitthi) awm hriat chian ngei anih hnuah Branch YMA OB te hriattir a, a tul anga YMA Information Mike hmanga vantlang hriattir vat ni se.

b) Zualko kal hi tlangvalte mawhphurhna liau liau a ni a, a tul anga in tirh thin nise.

3. BUHFAIKHAWN:

Vengchhungah chhiat tawk (Mitthi) an awmin, Section hruaitute kaihhruinain chhungtinah Buhfai No 1 khawn tur a ni. Buhfai khawn hi nulate mawhphurhna a ni. Buhfai khawn hi a luh that leh that loh Section hruaitu ten enfiah thin nise.

4. THINGPULLEHA HMEH:

a) Vengchhungah chhiat tawk (Mitthi) an awmin, chhiat tawh atanga thingpui (sen) lumna leh tlangval thlanlai thingpui leh a hmeah (Chhang) leina thleng YMA in a tum ang.

b) Lumen ngaia chhiat tawk (Mitthi) an awmin, tlaivarte tan sawhchiar (Ar/Vawksa etc) sem thin nise. Dar 1:00Am hnu lamah sem nise.

5. RUANGNGHAH:

a) Vengchhung mi hmun hrana thi an awm a, khawvar hma a ruang lo thleng lo tur anga a lan chuan khawtlang huapa tlaivara lo nghah ngai lova ngaih a ni.

b) Ruang lo thlen hma a thingpui leh a bawlhlo senso chu mitthi chhungte tum tur a ni ang.

c) Ruang lo thlen hma pawhin a remchan chuan zai tho nise.

6. RUANG LAK:

Vengchhung mi, tupawhin hmun hran atanga ruang a lak dawnin Local Council leh YMA hruaitute nen inrawn hmasak thin nise.

7. RUANG CHHUAK:

a) Vengchhung emaw hmun hran atanga ruang lak awm ngawih ngawih lak a, thawn chhuah tur a awm chuan, Branch OB te ruang la tur tenrawn hmasak thin nise.

b) Kuang siam sak a tul chuan YMA in siam sak nise.

c) Ruang la tuin tul an tih chuan YMA buaipuiin thingpui lum a ni a nga, a senso erawh chhiat tawk chhung ten an tum ang.

d) Ruang chhuak tur a awm chuan a tul angin hruaitute in hriattir nise.

8. RUANG SAWNGBAWL DAN TUR LEH KUANG SIAM

a) Mitthi an awmin Section hruaitute kaihhruinain a rang lama kuang siam thin nise. Mitthi chhungte zai ngaiin a rang lama kuanga dah nise.

b) Mihring hriselna a that zawk nan a theih chin chinah ruang khawih tu ten kutkawr bun thin nise.

c) A tlem thei ang ber kuang thla lakpui nise


d) Hospital emaw hmundanga boral emaw sarang (Polythene) a mitthi thun sa (Packed) emaw a nih chuan, mitthi ruang hi khawih danglam (phelh/hawn) loh hram nise.


e) Pawl emaw mimalin emaw kuang an tum dawn a nih chuan, a pawisa faiin Rs 2000 (Sanghni) aia tlem lo YMA an pe a nga, kuang siam erawh YMA in a tum ang.


f) Sakhuana leh eng emaw bik thilah lo chuan YMA kuang siam chei


Phek hniah zawm


Branch News


 Ni 7.2.2012 zanah Branch Executive Committee meeting tum a ni.


 Kan Branch President Pu T.Ngurkhuma chu Central YMA Programme a Saiha a in kang tawrh dan enfiah a zin pawh dam takin a lo haw e.

 Fin.Secretary Pu K. Darthantluanga dam lo chu a dam chhoh zel kan beisei.

 Ni 28.1.2012 (Inrinni) tlai khan Branch Executive Member te Kumpulan bawhzuin Sairang Road-ah duty a ni.

 Chhiatni Fund Category a thenna Ni 5.2.2012 ral hma hian Section ten a list Branch Secretary hnenah thelhu vek tur a ni e.

 YMA Aw la tur kha Ni 5.2.2012 hma hian Section ten Branch Secretary Pu RL. Thanmuna hnenah thelhu vek tur a ni e.

 Section sum enkawltute tana training neih tur kha a hmun ngai Branch Finance Secretary Pu K. Darthantluanga inah vawin tlai dar 3:00 hian training tur a ni e.

LUSUN KHAWHAR

Ni 2.2.2012 khan kan member Pu Lalremtuanga (Tluangtea) Kum 37, H/o Cecelia Lalawmpuii 'T' Section chuan min boral san a, a kalsan tak a chhungte Chanmari West Branch YMA chuan a tuarpui takzet a ni.

PAWISA CHHAR

Gemini Enterprise kawtah pawisa chhar a ni a, a tibo kan awm chuan Ni 8.2.2012 hmian Editor hnenah lam theih a ni e.



TUNKAR CHANGVAWN

"Remna chanchin Thathlentute,
 Aw, an ke chu a va mawi em!"

Editorial Board

Editor

J.Lalnangliana
9862399658

Joint Editor :

Lalchhandama
9862358347

News Editor

Thangkhuma
9862303135

R. Lalringgheta
9862358337

Jacob Lalrinsanga
9612319779

Cir.Manager

Johny Lalthanpuia
9612359161

EVL. Hruaitluanga
9862655426

Production

Manager

R.Lalhmachhuana
9436151817

Branch Office Bearer

President

T.Ngurkhuma
9436190843

Vice President

R.Lalhmachhuana
9436151817

Secretary

RL.Thanhnuna
9436152760

Asst. Secretary

Zairemmawia
9862385654

Treasurer

C.Lalzarliana
9436142049

Fin.Secretary

K.Darthantluanga
9436196071

Advisers

Pu Lalbiakthanga
Khangte

Pu Rothuama

Pi Zamanthangi

Pu Lalrengpuia
Sailo

2012 Thuvawn

*Iawmdan tur chu
LALPA chungah
ngat la; Amah
chu ring la, aman
a ti vek ang.*

Editorial :

Tanpui ngaite tanpuitu kan nih kan lantir angai leh ta malh malh hle mai, kan tihtur a ni miao mai si a. Saiha lama kan unauten chhiat an tawh avangin tanpui an ngai a, kan veng chhungah thil tha kan tih angai reng bawk si, kan hah deuh anih pawhin chawl mai lovin, thahnemngai takin che zel ang u. Pawisa khawn a tam si, kum thar sum van lai lo ni bawk nen, khawntu nih a nuam chiah thin lo khawp mai, nu leh paten min tawiawm teh u khai.

Inthlang ram tih takah inthlan kan hma bak leh ta a, ngaihtuahna fim tak kan hman angai hle a ni. Kan khawtlang thatna tura thawk thei leh hmangaihtu tak tak tura kan rin kan thlan thiam angai hle.

Khawtlang thil pawimawh tam tak YMAAW ah hian chhuah thin anih avangin, kan khawtlang in tin fang tura ngaih a ni a, chuvangin a chhia emaw a tha emaw, a ngaihnawm emaw nawm lo emaw he chanchinbu lak theuh hi kan mawhphurhna a ni. Chutiang tak chu anih avangin tun tumah pawh hian Chhiat ni kaihhruaina kan han chhuah anih hi. Heng hi kan hriat loh leh chuan khawtlang tan kan tangkai lo hle a ni ang. SMS kan dawng khal theiin kan dawng tam lutuk a, chhuah vek theih a ni thin lo, sms te hian mi dang a siamthat rual hian thenkhat tan a na thei si a, kan fimkhur rih a ni e.

danglam loh nise.

g) Remchang zawk anih chuan kuang hunna (Dawhkante) hman thin nise.

h) Tul bikah chauh kuang tuam (Linning) nan Polythene hman nise.

9. THLANLAHLEHMITTHIVUI :

a) Aizawl khawpui chhunga zing dar 10:00 hmalama thi chu a ni la lain vui nise. Zing dar 10:00 hnulama thi chu lumen tur a ni.

b) Zingkarah thlan laih thin nise. A tul anih chuan YMAhruaitu ten an tidanglam thei ang.

c) Mitthi vui hun : Lumen ngaiyah chhun dar 12:00.Lumen ngai lovah chawhnu dar 1:00.

d) Mitthi vui nan hian a remchan dan a zirin lirthei, Bus/Medium Vehicle pakhat hman nise.

10. HLAMZUIH :

a) Nausen thla 3 (Ni 90) tling lo a thih chuan hlamzuih a ngaih a ni a. Zualko kal, buhfai khawn, khawhar In riah etc te hi YMA in tih loh nise.

b) Kuang atan YMA thingphel hman theih a ni.

c) Thlanmuala hlamzuih inphumna tur hmun bik siamah chauh hlamzuih a thite phum nise.

11. YMA BUNGRUA :

a) Chhiat tawk an awmin Gas Cylinder bur 1 Branch YMA in a tum ang.

b) YMA Bungrua te hi zah leh felfai taka enkawl nise.

c) Bungraw senghawi leh chinfel hi tlangval inriakte leh Section hruaitute mawhphurhna a ni.

d) Mitthi In-ah(P.A Set) fit nghal thin nise.YMA hun zan thum thleng Mike hman theih tur Section in buatsaih thin nise. Tin, a bakah tul a awm chuan Section hruaitute remtihna lak hmasak nise. Lumen dar 12:00 hnulamah chuan inchhungah chauh Mike tih rik nise.

12. KHAWHAR LENPUI LEH MITTHIRAL :

a) Khawhar lenpui hi lumen ngaiyah lumen zan chhiar telin zan thum leh lumen ngai lovah, ruang thlak zan atanga zan thum nise. Zing dar 10:00 atanga zanlai dar 12:00 inkara thi chu lumen (Tlaivarpui) tura ngaih a ni.

b) YMA zan bika khawhar lenpui hi YMA Member nula leh tlangvalte mawhphurhna mai

ni lovin, khawtlang nu leh pa te mawhphurhna a nih avangin kal vek tura in fuih thin nise.

c) YMA zan bika khawhar lenpui hi Kohhran inkhawm tan hun ang zel a tan tum nise. Tanna hi Section hruaitute kutah awmin, banna erawh chu Branch Executive Member te kutah awm se.

d) YMA Member boral an awm chuan, YMA Flag a ngul chanve-ah zar nise.

e) YMA zan hnihna atangin YMA ralna bawm dawh/hun a, a tling khawm chu YMA zan tawpah mitthi chhungte ral nan hlan nise.

13. KHAWHAR IN RIAH LEH THLANSIAM :

a) Khawhar chhung te Inriak an duh leh duh loh rawn nise, riahpui an duh chuan a nawlpui chuan zan thum riah pui nise. Tlawmngai fal bik an awm anih pawhin kar khat aia rei riah loh nise.

b) Khawhar In riakte leh thlan siamtute khawhar chhungten chawhlui kilpui loh nise.

c) Thlan siamtu ten thlanmual bungrua hi thlanmual Chowkider rawnin a tul angin an hmang thei ang.

14. KHAIKHAWMNA :

Chhiatni kaihhruaina a ziahlan loh leh eng emaw tul bik thil chu hruaituten ngaihtuah chawp mai nise.

CHANMARI WEST BADMINTON CLUB

1. Vengchhung pual bik tan Local Tournament Ni 19th - 24th March 2012 chhung hian buatsaih a ni dawn a, tel tum zawng zawngte chuan Ni 9th March ral hma ngeiin Pu Lalbiakhlua Treasurer leh Pu RK Ramherliana Com't Member hnenah hming pek luh tur a ni e. Naupang tan Under 13 leh Under 17 a then hran tur a ni bawk ang.

2. Chanmari West Badminton Club Member ni duh tan Annual Membership Fee (April 2012 - march 2013), naupang tan Rs 20 leh puitling tan Rs 50 pein Pu Lalbiakhlua (Hlutea) leh Pu Zothangzuala Chhangte te hnenah a inpek theih.

3. Kum 2012 - 2013 chhunga hruaitu turte Ni 24th March 2012 (Inrinni) Local Tournament Final neih niah thlan thar tur a ni a, Club member zawng zawngte kal vek tur a ni e.

KHUANGCHERA

✂ Ni 31.1.2012 (thawhle) zan khan Pu Lalchhanhima Leaderte inah section committee meeting neih a ni a, kumin chhhunga section kalphung tur te duan a ni.

✂ An member Pu JH Hmingthanchuanga te chhungin mahni in leh lo a khawsa tura Neuva section lama an pem ta chu an ui em em rualin an lawmpui hle a, an awmna section tana mi tangkai tak ni chhonzawm zel turin duhsakna an hlan.

✂ Vawiin 5.2.2012 chhun dar 12:00 hian Kumin chhunga YMA AW semtu tura ruat te leh mitthi buhfai khawn tura ruatte leh Section OB te Pu Lalchhanhima Leader te inah thingpui inho tur a ni a, kal vek turin an in hriattir, karleh atang chuan YMA AW semtur a ruat tharte leh mithi buhfai khawntura ruat thar ten an mahni bial theuhah an rawn semin an rawn khawn thin tawh ang.

✂ Hruaitute arang thei ang bera mawhphurhna hrang hrang member lak, cencus leh chhiatni fund te tifel vat turin an inngen in an inhriattir.

✂ Section huamchhunga In luahtur neite Pem Lehkha ngai pawimawh hram hram turin an inhriattir.

TAITESENA

✂ An member Pu Lalremtluanga'n a boral san chu an uiin khawhar chhungte an tawrhpu hle.

✂ Ni 28.1.2012 khan section thuthleng chhinchhia a hnatlang a ni.

✂ YMA Buk Wiring nan a Wire 1 coil petu Pu John Zosangliana chungah lawmthu an sawi.

✂ YMA Aw man, Chhiatni Fund leh Census-te hruaitute a rang lama ti fel thuai turin an inhriattir.

✂ An Section chhung a YMA chhang incharge atan Tv. Lalbiaksanga Asst. Secretary leh NI Lalthanpuui Committee Member te ruat an ni.

✂ Property incharge atan Pu R Lalsangzuala, Pu Lalngaihawma, Tv Malsawmtluanga (Mala), Tv Malsawmtluanga leh Tv H.Lalnunzira te ruat an ni.

✂ Ni 31.1.2012 zan khan Section Meeting Leader-te Inah neih a ni a. Member 31 ah 28 an kal.

NEUVA

✂ Kumin chhung hian Section chhung bial li (4)ah then a ni a, Bial tinah hian bial vawngtu Section committee member atanga in ruat a ni.

✂ January - June thla inkara mitthi

buhfai khawn tur ien YMA AW sem turin heng mite hi ruat an ni, Kum chanveah ennawn leh a ni ang.

Mitthi buhfai khawntu turte

Bial - 1 1) Mariam R Lalthlamuanpuui
2) Vanlalchhuangi

Bial - 2. Lalbiakchhungi, Lalramnghaki

Bial -3. 1) Lalngahhtluangi

2) Biakremsiami 3) Lalramnghaki

Bial - 4 1) Ruthy Lalhminghlui

2) K. Lalrinsangi

✂ YMA AW semtu turte (Ni 12.2.12 atanga sem tan tur a ni)

Bial - 1. Laldingngheta, Lalrinfela

Bial - 2. J. Lallawmkima, C. Vanlalringa

Bial - 3 1) Vanlalpeka

2) Lalnunsiam 3) Vanlalbuatsaiha

Bial - 4. H. Lalbiaksanga, Lallianthanga

✂ Kumin chhunga Section Committee kal kim hnenah Lawmpuina Rs 300 man hu pek tur a ni.

✂ Section Property Incharge atan Treasurer Pu Vanlalhluta, Pu Denzil zosangliana leh Pu HVL Zasanga te ruat anni a, thatni a section bungraw hawh tur ten ziaka dil thin tur a ni.

✂ CWBYMA Asst. Secretary Tv Zairemmawia in Section Property atan Kristian hlabu leh Thuthlung tharbu a rawn pe a, achungah lawmthu an sawi.

✂ Section huamchhunga ualau taka zu inthin te kha simtur in an inhriattir.

✂ Ni 29.1.2012 tlai khan Section hruaitute section huamchhungah duty a ni, hun remchangah duty leh tur a ni.

✂ Ni 4.2.2012 (inrinni) zing khan section huamchhungah Faina hnatlang neih a ni a, LS Bakery-in thingpui leh a hmeah hlui a, an lawm hle. he hunah hian member thahnem tak an thawkchhuak.

✂ Vawiin tlai dar 3:00 ah Pasaltha Neuva Inah Comt. member kal khawm tur.

VANAPA

✂ YMA AW semtute

Bial 1. Francis Lalrinzuala, H. Lalremruata

Bial 2. Laltanpuia, Samuel C. Lalruatkima

Bial 3. 1) Lalnunthara

Bial 4. C. Lalmuanawmi, Lalchhanchhuaha

Bial 5. Lalmuanpuia

2) Samuel Vanlalawmpuia

Bial 6. HVL Hmangaiha, C. Lalchhanhima

Bial 7. R. Lalmangaihazuala

2) Isaak Lalthazuala

Bial 8. Vanlalafela, PC Lalmuanpuia

Bial 9. 1) Zodingluaia

✂ Kum 2012 chhunga section huamchhunga Mitthi Buhfai khawn turin heng mite hi an ruat

Bial 1 na 1) Lalduhawmi 2) Remsangpuui

Bial 2 na 1) Christina Lalchhandami

2) Lalchhanhimi

Bial 3 na 1) Baby Roluahpuui

2) Baby Laldingngheti

Bial 4 na 1) Lalhlimpuii 2) Lalthakimi

Bial 5 na 1) Malsawmkimi 2) Lalrindiki

Bial 6. K. Zonunmawii, PC Lalrinchhana

Bial 7. Lalchhanhimi, Lalhmingsangi

Bial 8. Lalfakawmi Lalnunpuui

Bial 9 na Lalrambuatsaihi

✂ Dt 12th Feb 2012 (Pathianni) tlai dar 3:00 hian Pu T. Sangkhuma te inah YMA AW semtute leh Mitthi Buhfai khawntute thingpui inkhawm tur a ni a, kim taka kal turin an inhriattir.

✂ Vawiin tlai dar 3:00 ah leader inah section hruaitu zawng zawng leh section huamchhunga Br Executive awmte kal khawm tur a ni

CHAWNGBAWLA

✂ Pu C. Laltanpuia te chhungkuain Section tan Amplifier tha tawk tak mai, F.M. Microphone, Sound Box leh Sound Wire tha tak mai Rs. 17200/- man zet mai a pe a. Pu R. Thansanga (RTS) te chhungkuain kuang stand tur Teak thing tha tak mai leh Pu C.T. Vawra Zote-in lengkhawm hlabu pahnih Section tan an rawn pe chu an lawm hle a.

✂ Ni 4.2.2012 Nileng khan Section bungruate enfel hnatlang an nei a, hnatlang a thawk chhuak zawng zawngte chungah lawmthu an sawi tak meuh a ni.

✂ An Section Bungraw In Chahbi chu kum 2012 ah **Tv. R. Lalfakzuala'n (Afaka)** a kawl dawn a, bungraw hawh tur chuan a hnen atang hian Chahbi lak a, dah leh thin tur a ni.

✂ YMA AW semtu turte:

Bial 1. C. Laltanzova, C. Lalvenpuia
K. Lalchhuanawma

Bial 2. Zonunmawia, Zodinpuia

Bial 3 na Lalrinchhana

Bial 4 na JH Lalrinfela

Bial 5. Rinchnungna, Lalmalsawma

Bial 6. Joshua Lalchhanhima, Salmona

Bial 7. Lalhlimpuia, Lalchhanchhuaha

Bial 8. Zohmingliana, Lalmalsawma

Bial 9. Lalthianghlima, Lalrotlinga

✂ Mitthi Buhfai khawntu turte

Bial 1. K. Vanlalhruaii, Lallawmawmi

Bial 2. Lallawmzuali, Mimi Lalhruaitluangi

Bial 3. Lalnunmawii, Malsawmtluangi

Bial 4. Lalrinzuali, Lalnunhlui

Bial 5. Lalrinhlui, Lalnunhlui

Bial 6. Lalduhzuali, Lalchhanhimi

Bial 7. 1) Lalhmachhuani

Teresa Lalhlimpuii, Lalnunhlui

Bial 8. Lalhmangaihazuali, Lalrinhlui

Bial 9. Lalmuanpuui, Lalruatfeli

Dt 5th Feb 2012 tlai dar 3:00 hian YMA AW semtu turte leh Mitthi Buhfai khawntu turte leh Section Committee member te Pu Chunga (L) inah kal khawm tur a ni e.

YMA AW hi vengchhung chanchin thar hriatna hnar pawimawh tak a ni.

🦅 Dt 2.2.2012 Zan khan MHIP hruaitu atan heng mite hi thlan an ni.
 President - Pi Lalbiakngheti
 V. President - Pi K. Sanghluni
 Secretary - Pi Lalthanmawii
 Asst Secy - PiLianzami Kiangte
 Treasurer - Pi Lallianzami
 Fin. Secy - Pi Lalnunziri

CWSC NEWS

🦅 Mizoram State sport council-in Sintex (barrel) 3000 lt Indoor Stadium- a hman tur minrawn pe a, Sporting Club chuan lawmthu a sawi tak meuh a ni.
 🦅 Mizoram Arm Wrestling championship January thla a neih zawh takah Chanmari West Sporting Club Player Juliet Lalengkimi chuan 65 kg below ah bronze medal a la thei chu an chhuangan an lawmpui hle.

PROPERTY SUB-OMMITTEE MEMBER

- 1) Pu TC Lalmangaiha- CH
- 2) Pu Lalngaihawma - T
- 3) Pu TC Lalthangliana - K
- 4) Tv Lalchhanhima - N
- 5) Tv Vanlalngbaka - CH
- 6) Tv Vanlalhriata - V

LUNGHLU ROAD WELFARE

Ni 31.1.2012 zan khan kumin chhunga hruaitu turin heng mite hi an thlang.

- Chairman : Pu Lalthankhuma
- V. Chairman: Pu Zosanglura
- Gen. Secy : Pu K Pahlira
- Asst. Secy : Pu R Malsawma
- Treasurer : Pu Peter LT Mawia
- Fin. Secy : Pu R Tlangmawia

BRANCH YMA NGENNA LEH HRIATTIRNA

Chanmari West Branch YMA Executive Committee Emergency Meeting chuan, kan unaute, Saiha a in kang tuar, chhungkaw 49 te tanpuina nan kan Branch chhunga chhungtinte hnenah Vehbur khawn a rel a. Hei hi khawtlang hruaitute remtihpuina angin section hrang hranga ten chhungtinte hnenah tanpuina (pawisa) khawn tur a ngen anni a, chhungtin te thahnemngai taka lo pe theuh turin kan ngen a ni. Kan hmuh angte Branch Secretary hnenah Dt 8.2.2012 ral hma ngeia thehltut theuh turin Sectionte ngen kan ni bawk e.

Setion ten mahni section area theuhah a rang lama bawhzui nghal tura hriattir kan ni a. Branch hruaituten mahni awmna section theuhah telpui tur a ni.

PARADISE HINDI SCHOOL, ST. VALENTINE CHRISTIAN HINDI COLLEGE & INTERNATIONAL MIZO HINDI ACADEMY

National level Central Board Hindi Exam passed tha te zinga tel pha ngat, hna hmu thei ngei tura inchherchhuah tumte'n pan chi. Tawng zirna bik tel "Practical Standard Hindi Speaking Course" nei duh tana Zing, Chhun & Tlai class kal theih a ni. 'Pathian thutak' leh 'Discipline tha tak' a inkaihhraina, Central chhuak zurtirtu thiam takte'n hneh taka an zirtir thin avangin changkang bik leh ngaihsan an hlawh. UNIVERSAL HINDI COMMUNICATIONS CENTRE (UHCC) Board Office, Aizawl New Market bul, Sunrise Building, Chhinga Veng (Ph: 2314105, Mb. 9436153368) bul tanna 'Hindi Advance Course' atanga BA thleng fresh Admission hawn mek a ni. Fee-a lak tel loh Zirlaibu man Free, Hindi hla zai thiam zirna 'Sur Sangam' Course FREE bawk. Uniform hak ngai lo. "UHCC LINEN JUBILEE STUDY TOUR cum PICNIC & SPORTS" Mizoram pawnah neih a ni dawn. (2-2)

SPRINGDALE SCHOOL

ADMISSION NOTICE, 2012 Admission Opened for 2012 Session

NERSARY - CLASS : X
 Nursery Class bik-ah Admission ti hmasa Seat 40 chauh FREE a tihsak an ni ang.

Contact No :-
 2346306/9862812084
 (6-6) 9862336196

KIDS CARE (House of Children) PRE-SCHOOL, DAY CARE & TUTORIAL CLASSES

Naupang enkawl na tha, Montessori School of Education atang ngeia training chhuakin an enkawl tur, KIDS CARE (House of children), Saron Veng, Pu Chhuanawma Building (Police RUN bul/Nursing College Opposite) ah buatsaih mek a ni. February 2012 ah Class tan tur a ni. Kum 2 leh achanve chin Admission duh tan a ngaihven theih e. Medical check-up neih thin a ni ang. Naupang pick leh drop kan ti thei e. Pre-School bakah hian nauawmna (DAY CARE) buatsaih a ni. Hei bakah hian tlai lam-ah Class I-VII tan home assignment/tuition classes mumal tak a awm bawk ang.

(3-2) 9612248240 / 9671272588

HEI TAN HIAN SMS LA

>>9862358337<<
 🦅 Vanapa Section chhunga mahni ui vulh lainatna tel miah lova enkawltute khan in ranvulh kha lo duatin lo hmangaih ve deuh teh u. A na tuar au thawm hi thenawmte hian kan hre duh tawh lo a ni. In enkawl tha peih lo a nih chuan vulh ve tawh lo mai rawh u, a bauh leh na tuar te thawm hi ngaihthlak hrehawm kan ti.

89762---05

🦅 Tunlai nula upa ho hi senior an ti tawh lova, NLUP pawh an ti duh tawh lo, **ringtu hmasa** an ti tawh zawk.

943615---15

🦅 Pu Tlana CH hian zawmna luh tur a nei a, CH Secy Mawia hi chuan a nei loh hmel.

943614---63

(SMS kan dawn te hi Ed. Bd ngaihndan a ni vek kher lo)

VOLLEYBALL NEWS

Kan hmalawkah hian Inter Village Volleyball Tournament hmachhawn mai thei dinmun a kan din avangin Volleyball Players te Practise koh huna practise mai thei tur a ngen leh hriattir inni e.

LOCAL NEWS

RED RIBBON FOOTBALL

🦅 Wawin tlai dar 3:00 hian Organising Board OB leh Football Team enkawltute Chairman Pu H. Laltanpuia inah thu pawimawh ngaihtuaha thutkhawm tur a ni e.

🦅 Football Team tan heng a hnuai mite hian thilpek an pe a, an lawm hle.

- 1) Pu H. Lalchungnunga-Rs 1000
- 2) Pu VL Thakima -Rs 500
- 3) Pu K. Rochungnunga-Rs 500
- 4) Tv Hmingthansanga -Rs 200
- 5) Pu H. Laltanpuia -Rs 500
- 6) Ni Lalrohluai -Rs 500
- 7) Pu F. Zosanga -Rs 1000
- 8) Pi Biakhluni -Rs 1000
- 9) Pu Zothansanga ToehongRs 1000
- 10) Pu Lalmunsanga -Rs 500
- 11) Pu Vanlalnunga -Rs 200
- 12) Pu RK Rozidinga -Football 2
- 13) Pu Lalbiakhlua -Football 1

🦅 Local Council Football Team tana thilpek pe duh tan Chairman Pu H. Laltanpuia emaw Secretary Tv Zairemmawia hnenah emaw a pek theih reng e.

ZOFA NEWS

🦅 Dt 2nd Jan 2011 (Ningani) zan khan Veterinary Science College (Selesih) ah programme pawimawh tak an nei.

🦅 Designation Plate mawi taka siam saktu Pu Zonunsanga (Zotea) chhungah lawmthu an sawi.

🦅 Kar leh hun remchangah Committee meeting koh tum a ni.